

**Broj: 01-11-10-04162-3/2021**  
**Sarajevo, 28.9.2021. godine**

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), i Odluke Vlade Federacije Bosne i Hercegovine V. broj 1094/2021 od 1.7.2021. godine kojom je odobrena nabavka službenog putničkog motornog vozila, a nakon razmatranja Preporuke Komisije za javne nabavke broj: 01-11-10-04162-2/2021 od 24.9.2021. godine, Direktor Federalne uprave za inspeksijske poslove u ime ugovornog organa, donosi

## **O D L U K U**

**o izboru najpovoljnijeg ponuđača i dodjeli ugovora za nabavku 1 (jednog) službenog putničkog motornog vozila**

### **I**

Prihvata se preporuka Komisije za javne nabavke uprave broj 01-11-10-04162-2/2021 od 24.9.2021. godine, te se ugovor o javnoj nabavci 1 (jednog) službenog putničkog motornog vozila za potrebe Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Guma M“ d.o.o. Mostar.

Ugovor sa ponuđačem „Guma M“ d.o.o. Mostar, zaključit će se pod slijedećim uslovima:

- marka i tip vozila: Dacia „Duster“ Essential 4x2 1,0 ECO-G, snage motora 74 kW, zapremina motora 999 ccm<sup>3</sup>, 2021. godina proizvodnje, pogonsko gorivo: benzinplin, boja karoserije: bijela, Euro norma: Euro 6D Full i ostalim karakteristikama definisanim u ponudi broj 276-09/21 AK od 14.9.2021. godine
- cijena vozila bez uračunatog PDV-a 23.999,00 KM, odnosno 28.078,83 KM sa PDV-om
- rok isporuke vozila: najkasnije do 1.12.2021. godine
- garantni rok za vozilo: 5 (pet) godina ili 120000 km
- rok i način plaćanja: plaćanje će ugovorni organ izvršiti najkasnije u roku od 30 (trideset) dana od dana prijema fakture.

### **II**

**Izabarani ponuđač iz člana I odluke je dužan u roku od 5 (pet) dana od dana prijema odluke dostaviti ugovornom organu dokaze zahtjevane tačkom 12. tenderske dokumentacije, kojim potvrđuje da u momentu predaje ponude:**

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokumenti čije se dostavljanje zahtjeva prethodnim stavom ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

### III

Po isteku žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

### IV

Ova odluka će se objaviti na web stranici Federalne uprave za inspeksijske poslove.

### O b r a z l o ž e n j e

Direktor Federalne uprave za inspeksijske poslove je svojom odlukom broj: 18-11-10-04162/2021 od 26.8.2021. godine pokrenuo postupak javne nabavke roba - 1 (jednog) putničkog motornog vozila, za što je saglasnost dala Vlada F BiH svojom Odlukom V. broj 1094/2021 od 1.7.2021. godine.

Finansiranje nabavke vozila izvršit će se iz sredstava SIDA/SEPA Projekta „Pomoć Bosni i Hercegovini u poboljšanju kvaliteta zraka i upravljanju kvalitetom zraka“ koji se provodi putem društva CETEOR d.o.o. Sarajevo bez korištenja budžetskih sredstava.

Komisija sa javne nabavke je izvršila pripremu tenderske dokumentacije, te je dana 2.9.2021. godine na Portalu javnih nabavki BiH objavljeno obavještenje o nabavci predmetnih roba, broj obavještenja 1292-7-1-14-3-120/21.

Dana 20.9.2021. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da je u ostavljenom roku zaprimljena jedna ponuda, kako slijedi:

Naziv/ime ponuđača	Ukupna cijena ponude (bez PDV-a)	Iznos PDV-a	Ukupna cijena sa PDV-om	Ponuđeni popust
„Guma M“ d.o.o. Mostar	23.999,00 KM	4.079,83 KM	28.078,83 KM	Ne

Na zatvorenom sastanku održanom dana 24.9.2021. godine, Komisija je izvršila evaluaciju ponude, te je tom prilikom konstatovala da je ponuđač dostavio traženu dokumentaciju kojom potvrđuje da ispunjava sve uvjete utvrđene tenderskom dokumentacijom i da ne postoje razlozi za odbacivanje iste. Također je konstatovano da je ponuđač ponudio vozilo Dacia „Duster“ Essential 4x2 1,0 ECO-G, snage motora 74 kW, zapremina motora 999 ccm<sup>3</sup>, 2021. godina proizvodnje, pogonsko gorivo: benzin-plin, boja karoserije: bijela, Euro norma: Euro 6D Full.

Obzirom da je u ostavljenom roku zaprimljena samo jedna ponuda, Komisija je konstatovala da se u skladu sa članom 3. stav (3) Pravilnika o uslovima i načinu provođenja e-aukcije („Službeni glasnik BiH“, broj 66/16) e-aukcija ne može zakazati.

Komisija je utvrdila da je ponuda prihvatljiva kako sa aspekta tehničkih karakteristika ponuđenog vozila, tako i sa aspekta cijene i da je cijena vozila u skladu sa planiranim sredstvima.

Obzirom da je članom 89. stav (3) Zakona o javnim nabavkama BiH propisano da će u postupku konkurentskog zahtjeva za dostavu ponuda u situaciji kada ugovorni organ primi jednu prihvatljivu ponudu dodjeliti ugovor tom ponuđaču, a da nisu nađeni razlozi za odbacivanje ponude iz bilo kojeg zakonskog niti suštinskog razloga, komisija je

dala preporuku direktoru uprave da u ime ugovornog organa donese odluku kojom će ugovor o nabavci službenog putničkog motornog vozila za potrebe Federalne uprave za inspeksijske poslove dodijeliti ponuđaču „Guma M“ d.o.o. Mostar.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



**DIREKTOR**

Anis Ajdinović

Dostaviti:

1. „Guma M“ d.o.o. Mostar, Bišće Polje bb, 88000 Mostar
2. Sektor za materijalno-finansijske i tehničke poslove
3. Sektor za tehničku podršku i plansko-analitičke poslove
4. Komisija za javne nabavke (a/a).

29-09-2021